

FAQ. Ohiko galderak

Zein onura ditu musika ikasteak?

Musika ikasteak hainbat alor garatzen laguntzen du:

- Adimen gaitasuna eta trebetasunak (ulermena, oroimena, entzumena eta analisia, laburpena, norberaren eta besteen ebaluazioa, konparaketa eta lotura egitea...).
- Arazoei konponbidea bilatzeko eta abstrakziorako gaitasuna.
- Irudimena eta sormena.
- Afektibitatea era egokian adieraztea.
- Ahalegina, arreta, ordena eta diziplina.
- Sentikortasuna.
- Zentzu kritikoa eta estetika.
- Psikomotrizitatea. Mugimenduen koordinazioa.
- Norberaren gorputzaren ezaguera.
- Dinamika orokorraren koordinazioa.
- Ikusmena, entzumena eta ukimenaren koordinazioa.

Inoiz ez naiz Musika Eskolara joan, eta hasi egin nahi dut. Zer egin behar dut?

Musika Eskolan matrikulatu egin behar duzu. **Ikasle berrien matrikulazioa** horrela egin daiteke:

On line: Bete *matrikula orria*, eta beharrezkoak diren gainerako dokumentuekin batera musika@tolosa.eus helbidera bidali.

Era presentzialean: Musika Eskolako idazkaritza bulegoan. Astelehenetik ostiralera goizeko 10:00etatik 13:30etara eta 17:00etatik 19:00etara.

Lehengo ikasturteko ikasle bat naiz, zer egin behar dut musika eskolan ikasten jarraitzeko?

Lehengo ikasturteko ikaslea bazara, **Inika aplikazioaren bidez** matrikula baieztatu dezazun ohar bat jasoko duzu. Ikasle izaten jarraitu nahi baduzu, **baieztatu** aplikazioa erabiliz.

Zein dira matrikulatzeko epeak?

Ekainaren 1etik 14ra aurreko ikasturteetako ikasleak matrikulatuko dira.

Ekainaren 15etik 23ra, ikasle berrien matrikula, plazak bete arte.

Eta azkenik, irailaren 1etik aurrera, kasu bereziak (4. zikloa) eta bakanteak betetzeko matrikulak, etorri ahala.

Non gauzatu daiteke matrikula?

On line: Bete [matrikula orria](mailto:matrikula_orria), eta beharrezkoak diren gainerako dokumentuekin batera musika@tolosa.eus helbidera bidali.

Era presentzialean: Musika Eskolako idazkaritza bulegoan. Astelehenetik ostiralera goizeko 10:00etatik 13:30etara eta 17:00etatik 19:00etara.

Zein dokumentu behar ditut matrikula egiteko?

Adinaren egiaztagiria; N.A.N. edo jaiotza agiria.

Hobariren bat baldin baduzu, dagokion egiaztagiria.

Nola kudeatuko dira nire datu pertsonalak?

Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 [Lege Organikoa](#) beteko da.

Zenbat balio du matrikulak?

Indarrean dagoen ordenantza fiskalen arabera, hauek dira 2022-2023 ikasturteko [tarifak](#).

Ordainketak noiz egin behar dira?

Ordainketak **hiru zatitan** egiten dira:

- Matrikula egiten denean: 1. kuota - % 60
- Azaroan: 2. kuota - % 20
- Otsailean: 3. kuota - % 20

Hobaririk badago?

Bai, famili ugariantzat eta guraso bakarrentzat [hobariak](#) daude.

Nola jakingo dut matrikula onartua izan dela eta ikasturtea hasteko moduan naizela?

Ikasturtea hasi baino lehenago jakin arazpen bat jaso duzu zure helbide elektronikoan edo Inika aplikazioan.

Behin ikasturtea hasi ezkeru, ezin badut jarraitu, itzuliko al didate ordaindutako matrikula?

Matrikula deuseztatzeko eskaera egin daiteke ondorengo [arrazoiengatik](#), baina edozein dela ere arrazoia, prezio publikoaren %20a ez da itzuliko.

Tolosan erroldatuta daudenak eta beste herrietakoak berdin ordaintzen dute?

Tarifak matrikulazio epearen amaiera baino bi hilabete lehenagotik Tolosan erroldatuta dauden herritarrei aplikatuko zaizkie (irailaren 30a).

Tolosaldean erroldatutakoei ere aplikatuko zaizkie, betiere jatorrizko udalek tolosarrei ere beren herritarrei aplikatzen dizkieten tarifak aplikatzen badizkiete musika eskolari dagokion ordenantza fiskaletako eranskinean zerbitzu guztietan.

Zer da Inika aplikazioa?

Ordenagailuan edota sakeleko telefonoan erabili daiteken **aplikazio informatiko** bat da.

Inika erabiliz lortuko duzu:

Ikasleei buruzko informazio akademikoa momentuan ezagutu ahal izatea, ebaluazioko notak, naiz kalifikazio partzialak edo irakasleen anotazioak. Era berean hutsegiteei buruzko alertak instant batean jasoko dituzte mugikorrean. Aplikazio honi esker, familiek uneoro eskuragarri izango dute zentruko informaziorik garrantzitsuena: seme-alaben unean-uneo informazio akademikoa ezagutzekoa aukera izango dute eta ebaluazioko nota, kalifikazio partzialak, hutsegiteak, irakasleen oharrak, jakinarazpenak, oharrak, e.a. eskuragarri izango dituzte, baita, ordutegiak, ikastetxeko berriak, kontzertuak edo seme-alaben kanpo-ekintzei buruzko informazioa ere.

Nola funtzionatzen du Inika aplikazioak?

Musika Eskolak zure **erabiltzaile eta pasahitza pertsonalak** jakin araziko dizkizu.

Ordenagailua erabili zure ohiko nabigatzailea [Inikan](#) sartzeko.

Sakeleko telefonoan erabiltzeko “Play Store”-ra joan eta bilatu “Inika Gurasoak” izeneko aplikazioa. Aukeratu eta instalatu.

Aplikazioa irekitzean ikastetxea aukeratu beharko duzu, eta zure erabiltzaile eta pasahitza erabili saioa abiarazteko.

Zenbat irauten du ikasturteak?

Irailaren 5tik ekainaren 22ra.

Hemen duzu egutegi osoa.

Eta, klaseak zenbat irauten dute?

Zikloa edota instrumentuaren arabera aldatu daiteke, baina ohiko iraupena klase bakoitzeko 45 minututakoa da.

Klaseak non hartzen dira?

Musika Eskolaren egoitza Tolosako **Gorosabel eraikinean** dago, Rondilla kalea 34 B.

Euskaraz edo gaztelaniaz dira?

Euskara da ohiko hizkuntza, baina irakasleak ikasleen beharretara egokitzen dira, beharrezkoa bada.

Haurrak zein urteetatik aurrera hasi daitezke Musika Eskolan?

1. zikloan hasteko 4 urtetik aurrera eta 2. zikloan hasteko 7 urtetik aurrera. “harrera” 4, 5 eta 6 urtekoentzat tailerrak dira. Bertan jolasak, kantuak, entzumena eta erritmoa lantzen dira.

Zenbat irauten dute 1. Zikloko haurren klaseak?

4, 5 eta 6 urtekoek astean bi klase izaten dituzte (astelehena eta asteazkena, edo asteartea eta osteguna) klase bakoitza 45 minutukoa da.

Aukeratu al daitezke asteko egunak 4, 5 eta 6 urteko ikasleen eskoletarako?

4 urteko ikasleek astelehenetik asteazkenera edo asteartetik ostegunera aukera dezakete, baldin eta ikasle-kopuruak bi talde sortzea ahalbidetzen badu.

5 eta 6 urteko ikasleek ezin dute aukeratu, eta taldeen beharren arabera esleituko dira txandak.

Zein da Musika Eskolak duen eskaintza?

1. Zikloa “Harrera”

4, 5, 6, urtekoentzat tailerrak: jolasak, kantuak, entzumena, erritmoa.

7 urtetik aurrera “Aurrehasiera”, musika hizkuntza eta instrumentuak ezagutu.

2. Zikloa “Hasiera”

Instrumentua, musika hizkuntza, taldeak.

3. Zikloa “Gotortzea”

Instrumentua, osagarriak, taldeak.

4. Zikloa “Lehenetasuneko jarduera”

Instrumentua, taldeak.

Helduak

18 urtetik aurrera: musika hizkuntza, taldeak eta instrumentua.

Ikasi dezaket instrumentu bat jotzen solfeoa ikasi gabe?

Ez dago aukera hori.

Nola aukeratzen dut instrumentua?

Lehenengo zikloan, 7 urtetik aurrera “aurrehasiera”, musika hizkuntza eta instrumentuen ezagutzan sakontzeko aukera izango dugu.

Zein instrumentu daude aukeran?

Biolina

Biola

Biolontxelo

Kontrabaxua

Baxu elektrikoa

Flauta

klarinetea Oboea

Saxofoia

Tronpa

Tronpeta

Tronboia Bonbardinoa

Tuba

Perkusioa

Txistua

Dultzaina

Pianoa

Akordeoa

Kantu bakarlaría

Plaza kopurua mugatua da instrumentu bakoitzean?

Bai, instrumentu bakoitzerako plaza kopuru mugatu bat dago. Musika Eskolak, irakasleen lan ordu kopurua kontutan hartuta, eta ziklo bakoitzean izan diren ikasle matrikularen arabera, instrumento bakoitzerako plaza kopuru jakin bat finkatuko du.

Dauden plaza baino ikasle gehiago aurkezten badira instrumentu baterako zer gertatzen da?

Instrumento baterako dauden plazan baino ikasle gehiago baldin badaude, **zozketa** egingo da.

Zein musika talde daude Musika Eskolan?

Akordeoiak

Txistuak

Dultzainak

Bandak

Korua

Orkestrak

Perkusioak

Ganbara talde anitz

Zer egin behar dut Musika Eskolako talde bateko kide izateko?

Ikasten ari zaren instrumentuaren zure irakaslearekin kontsultatu, berak baloratu behako du taldekide izateko behar adina maila duzun.